

ՀՀ Ֆինանսների նախարարություն

Հարկային և մաքսային մարմինների գանգատարկման հանձնաժողով

Ո Ր Ո Շ ՈՒ Մ 29/2

18 հուլիսի 2015 թ.

Քննարկվեց «Պրոքսի Սենտր» ՍՊԸ 19.06.2015 թ-ի դիմում-գանգատը ՀՀ ՖՆ ՏՏԵՆԶ վարչության աշխատակցի կողմից 16.06.2015 թ-ին տրված եզրակացության դեմ:

«Պրոքսի Սենտր» ՍՊԸ գանգատում բերված փաստարկները.

ԵՊՀ-ին առընթեր Ա.Շահինյանի անվան ֆիզիկամաթեմատիկական հատուկ դպրոց ՊՈԱԿ-ի կարիքների համար կազմակերպված ՖՄՀԴ-ՊԸԾՁԲ-15/1 ծածկագրով գնման ընթացակարգի հանձնաժողովը որպես առաջին տեղ զբաղեցրած մասնակից է ճանաչել «Պրոքսի Սենտր» ՍՊԸ-ին (այսուհետ նաև ընկերություն):

Հետագայում, գնահատող հանձնաժողովը պաշտոնական աղբյուրներից ստացված տվյալների ստուգման արդյունքների մասին, առաջին տեղը զբաղեցրած մասնակցի «Պրոքսի Սենտր» ՍՊԸ-ի կողմից ներկայացրած /Հավելված 2/ հայտարարությունը որակում է իրականությանը չհամապատասխանող և «Պրոքսի Սենտր» ՍՊԸ-ի ներկայացրած հայտը մերժում է, իսկ ընտրված մասնակից է հայտարարում 2-րդ տեղը զբաղեցրած «Հոթել Ադվերան» ՓԲԸ-ին: Մասնավորապես, գնահատող հանձնաժողովը հիմք է ընդունել ՀՀ ՖՆ ՏՏԵՆԶ վարչության աշխատակցի Ա.Պապոյանի կողմից 16.06.2015 թ-ին տրված եզրակացությունը, որտեղ նշված է՝ «Պրոքսի Սենտր» ՍՊԸ կողմից հայտը ներկայացնելու օրվա դրությամբ ՀՀ պետական բյուջեի նկատմամբ ժամկետանց հարկային պարտավորությունների գումարի չափը կազմում է՝ 3.749.384.00 ՀՀ դրամ:

Ընկերությունը տեղեկացնում է, որ նշված եզրակացությունը չի համապատասխանում իրականությանը հետևյալ պատճառաբանություններով.

2014թ. ապրիլի 25-ին Արմեն Վարդանյանը նշանակվել է «Պրոքսի Սենտր» ՍՊԸ տնօրեն: ՀՀ օրենսդրության համաձայն իր կողմից, որպես Ընկերության տնօրենի, պետք է կազմվեն և ներկայացվեն հարկային հաշվետվությունները, ինչի հիմքն են հանդիսանում Ընկերության գործունեության ընթացքում կազմված փաստաթղթերը:

Տվյալ փաստաթղթերի ուսումնասիրության ընթացքում տնօրենը հայտնաբերել է, որ Ընկերությունը մինչ իր տնօրեն նշանակվելը, մասնավորապես 01.10.2013-16.04.2014թ.թ. ընթացքում, շուրջ 30,000,000.00 (երեսուն միլիոն) ՀՀ դրամ գումար է փոխանցել տարբեր կազմակերպությունների, սակայն սկզբնական հաշվապահական հաշվառման փաստաթղթերում բացակայում են փոխանցման հիմքերը:

Փաստի առթիվ 2014թ. ամռանը տնօրենը դիմել է ՀՀ Ֆինանսների նախարարություն խնդրանքով, որպեսզի Ընկերությունում բացվի ստուգում, քանի որ նման վիճակում Ընկերությունը հնարավոր է ունենա լրացուցիչ հարկային պարտավորություններ: Մի քանի ամիս անց 24.12.2014թ-ին ՀՀ Ֆինանսների նախարարի թիվ 5011273 հանձնարարագրի համաձայն Ընկերությունում նշանակվում է բյուջեի հետ փոխհարաբերությունների և հարկային մարմինների կողմից վերահսկվող օրենսդրության առանձին պահանջների կատարման ճշտության ստուգում:

Հաշվի առնելով, որ ստուգումը անընդհատ ձգձգվում էր և չէր ընթանում պատշաճ խորությամբ, Ընկերության կողմից 04.02.2015թ. ՀՀ Գլխավոր դատախազին է ներկայացվել հաղորդում հանցագործության մասին, կցելով ներկայացված փաստերը հիմնավորող փաստաթղթեր: Նշված հաղորդումը 11.02.2015թ. ուղարկվում է ՀՀ ՖՆ քննչական վարչություն հետագա ընթացքը լուծելու համար, որտեղ տնօրենի կողմից տրվել է բացատրություն:

Միաժամանակ, նշված ստուգումն իրականացվում էր քննչական վարչության կողմից տրամադրված նյութերի հիման վրա:

Չստանալով նշված վարչությունից նյութերի նախապատրաստման արդյունքում կայացված որոշումը և ղեկավարվելով «Ատուգումների կազմակերպման և անցկացման մասին» ՀՀ օրենքի 11 հոդվածի 2-րդ կետի դրույթներով, 25.05.2015թ-ին տնօրենը կրկին դիմել է ՀՀ Գլխավոր դատախազություն, որպեսզի տեղեկանա գործի ընթացքի մասին:

09.06.2015թ.-ին ՀՀ ՖՆ Քննչական վարչության քննիչ Ն.Ս.Եղիկյանից ստացվել է թիվ 4943/122 գրությունը և կից որոշում /նյութերով քրեական գործի հարուցումը մերժելու և քրեական հետապնդում չիրականացնելու մասին/: Քննիչը իր որոշումը հիմնավորում է նրանով, որ 2014թ. դեկտեմբերի 24-ին ՀՀ Ֆինանսների նախարարի թիվ 5011273 հանձնարարագրի համաձայն «Պրոքսի Սենտր» ՍՊԸ նշանակվել է բյուջեի հետ փոխհարաբերությունների և հարկային մարմինների կողմից վերահսկվող օրենսդրության առանձին պահանջների կատարման ճշտության ստուգում, որի արդյունքները դեռևս չեն ստացվել: Այսինքն, քանի որ դեռ չկան ստուգման արդյունքները, քննիչը որոշեց քրեական հետապնդում չիրականացնել՝ հանցակազմի բացակայության պատճառով:

Հաշվի առնելով քննիչի որոշումը, որ դեռևս օրենքով չկան ուժի մեջ մտած որոշումներ ժամկետանց պարտքի վերաբերյալ և Ընկերության ցանկությունը մասնակցելու ԵՊՀ-ին առընթեր Ա.Շահինյանի անվան ֆիզիկամաթեմատիկական հատուկ դպրոց ՊՈԱԿ-ի կարիքների համար կազմակերպված ՖՄՀԴ-ՊԸԾԶԲ-15/1 ծածկագրով գնման ընթացակարգին, տնօրենի կողմից կայացվել է որոշում՝ 10.06.2015թ-ին (քննչական վարչությունից որոշումն ստանալու հաջորդ օրը) ժամը 11:00-ին մասնակցել նշված մրցույթին և ներկայացնել մասնակցության հայտ:

Միաժամանակ տեղեկացվում է, որ 15.06.2015թ-ին օրենքով սահմանված ժամկետում Ընկերությունն արդեն իսկ ներկայացրել է ՀՀ Գլխավոր դատախազին ՀՀ ՖՆ քննչական վարչության քննիչի 23.02.2015թ. նյութերով քրեական գործի հարուցումը մերժելու և քրեական հետապնդում չիրականացնելու մասին կայացված որոշման դեմ բողոք:

Հաշվի առնելով վերոգրյալը և այն, որ «Պրոքսի Սենտր» ՍՊԸ-ն պահպանելով օրենքով գործող սահմանված կարգը և ժամկետները, կատարել է իրեն վերապահված անհրաժեշտ գործողություններն իր իրավունքները պաշտպանելու ուղղությամբ, ինչպես նաև այն, որ այս պահին դեռևս չկան համապատասխան պետական մարմինների կողմից օրենքով ուժի մեջ մտած որոշումներ և/կամ այլ պահանջներ, ուստի ընկերությունը խնդրում է ՀՀ ՖՆ ՏՏԵՆԶ վարչության աշխատակից Ա.Պապոյանի 16.06.2015թ. եզրակացությունը համարել իրականությանը չհամապատասխանող:

ՀՀ Ֆինանսների նախարարության հարկային և մաքսային մարմինների զանգատարկման հանձնաժողովի եզրակացությունը.

ՀՀ ՖՆ հարկային և մաքսային մարմինների զանգատարկման հանձնաժողովը (այսուհետ նաև Հանձնաժողով), ուսումնասիրելով սույն գործին առնչվող նյութերն ու ապացույցները եկավ հետևյալ եզրակացության:

Քննարկման ընթացքում նշվեց, որ ԵՊՀ-ին առընթեր Ա.Շահինյանի անվան ֆիզմաթ հատուկ դպրոց ՊՈԱԿ-ի կարիքների համար կազմակերպված ՖՄՀԴ-ՊԸԾԶԲ-15/1 ծածկագրով կազմակերպման գնման ընթացակարգի գնահատող հանձնաժողովի 2015 թվականի 11 հունիսի N 7 որոշմամբ 1-ին և 2-րդ տեղեր զբաղեցրած մասնակիցների՝ «Պրոքսի Սենտր» ՍՊԸ-ի և «Հոթել Ալվերան» ՓԲԸ-ի, վերաբերյալ 12.06.2015թ-ին gevorgtamaryan@rambler.ru էլեկտրոնային փոստի միջոցով ՀՀ ՖՆ ՏՏԵՆԶ վարչությանը տրամադրվել է հարցում՝ ՀՀ կառավարության 2011 թվականի փետրվարի 10-ի «Գնումների գործընթացի կազմակերպման» կարգի 47-րդ կետի 1-ին մասով նախատեսված տվյալների ճշտման վերաբերյալ:

12.06.2015թ-ին վերը նշված հարցման հիման վրա ՀՀ ՖՆ ՏՏԵՆՁ վարչության համապատասխան աշխատակցի կողմից (Ա.Պապոյան) ձևավորվել է եզրակացություն՝ ՀՀ կառավարության 2011 թվականի փետրվարի 10-ի «Գնումների գործընթացի կազմակերպման» կարգի 47-րդ կետի 1-ին մասով նախատեսված տվյալների մասին:

ՀՀ ֆինանսների նախարարի 23.03.2015թ-ի թիվ 155-Ա հրամանի համաձայն 13.06.2015թ-ին ՀՀ ՖՆ ՏՏԵՆՁ վարչության կողմից ձևավորված եզրակացությունը տրամադրվել է վերոգրյալ ընկերությունները սպասարկող համապատասխան հարկային տեսչություններին (Շենգավիթի ՀՏ, Հրազդանի ՀՏ):

15.06.2015 թ-ին Շենգավիթի ՀՏ-ից ստացվել է պատասխան առ այն, որ տվյալ հարկային տեսչությունում հաշվառված «Պրոքսի Սենտր» ՍՊԸ-ն հարցման օրվա դրությամբ (10.06.2015թ.) ունի ժամկետանց հարկային պարտավորություն ընդամենը 3.749.384 դրամ: Մասնավորապես, համաձայն ՀՀ ՖՆ տեղեկատվական բազայում, ինչպես նաև ընկերության անձնական հաշվի քարտերում առկա տվյալների 10.06.2015թ.-ի դրությամբ «Պրոքսի Սենտր» ՍՊԸ-ի ժամկետանց հարկային պարտավորությունները կազմել են ընդամենը 3.749.384 դրամ, որից 2014 թ-ի տարեկան շահութահարկի գումարը կազմել է 1.682.638 դրամ, ՀՀ ՖՆ ՕՀՎ 16.04.2015 թ-ի թիվ 5011273 ակտով առաջադրված գումարից վճարման ենթակա գումարը՝ 1.943.635 դրամ (հարկ 892.911 դրամ, տույժ 492.277 դրամ, տուգանք 558.447 դրամ), ինչպես նաև ապառքի գումարի նկատմամբ հաշվարկված տույժի գումարը՝ 123.111 դրամ:

Արդյունքում, 16.06.2015թ-ին վերջնական ձևավորված եզրակացությունը տրամադրվել է պատվիրատուին, ՀՀ ՖՆ պետական ներքին ֆինանսական հսկողության և պետական գնումների մեթոդաբանության վարչությանը և ՀՀ ՖՆ ներքին առտիտի վարչությանը:

Ելնելով վերոգրյալից՝ Հանձնաժողովը գտնում է, որ ՀՀ ՖՆ ՏՏԵՆՁ վարչության աշխատակցի կողմից 16.06.2015 թ-ին տրված եզրակացությունում զետեղված տվյալները հիմնավոր են և արտացոլում են 10.06.2015 թ-ի դրությամբ «Պրոքսի Սենտր» ՍՊԸ-ի ժամկետանց հարկային պարտավորությունների իրական չափը:

Ելնելով քննարկման արդյունքներից և ղեկավարվելով «Հարկային ծառայության մասին» ՀՀ օրենքի 43.1-րդ հոդվածի և «Մաքսային ծառայության մասին» ՀՀ օրենքի 37-րդ հոդվածի պահանջներով հանձնաժողովը

ո Ր Ո Ձ ՈՒ Մ Է՝

«Պրոքսի Սենտր» ՍՊԸ 19.06.2015 թ-ի դիմում-գանգատը՝ ՀՀ ՖՆ ՏՏԵՆՁ վարչության աշխատակցի կողմից 16.06.2015 թ-ին տրված եզրակացության դեմ, մերժել:

Սույն որոշմանը չհամաձայնվելու դեպքում այն ուժի մեջ մտնելու օրվանից երկու ամսվա ընթացքում կարող է բողոքարկվել ՀՀ վարչական դատարան:

Հանձնաժողովի նախագահ՝

Վ.ՄԻՐՈՒՄՅԱՆ